



Vschinauncha da S-chanf
7525 S-chanf



Gemeindeversammlung

Bannida / Missiva

**Per la radunanza cumünela in marculdi, ils 25 avrigl 2018 a las 20.00
sül palc da la sela polivalenta S-chanf**

Stimedas votantas e stimos votants,

Nus invidains ad Els cordielmaing per la radunanza cumünela ils 25 avrigl 2018 a las 20.00 sül palc da la sela polivalenta S-chanf. Cun quista bannida orientains sur las tractandas chi staun gnir trattadas.

Tractandas:

1. Protocol da la radunanza cumünela dals 28 marz 2018*
2. Cunvegna da prestaziun traunter las vschinaunchas d'Engiadin'Ota e la fundaziun da sandet d'Engiadin'Ota*
3. Cunvegna da prestaziun traunter la vschinauncha politica da S-chanf e la regiun Malögia davart la promoziun da la cultura regiunela*
4. Revaisa dal statüt „Consorti da scoula La Plaiv SFM“*
5. Proget Susauna etappa 3 – Lavuors d'infrastructura, dumanda da credit fr. 1'450'000.00*
6. Varia

***La documainta per las tractandas sto ad invista/po gnir retratta tar l'administraziun cumünela u es visibla sün l'internet suot: www.s-chanf.ch**

DEUTSCHER TEXT: BÜCHLEIN BITTE WENDEN

1. Protocol

Il protocol da la radunanza cumünela dals 28 marz 2018 po gnir retrat tar l'administraziun cumünela u es visibel sün l'internet suot: www.s-chanf.ch.

2. Cunvegna da prestaziun traunter las vschinaunchas d'Engiadin'Ota e la fundaziun da sandet d'Engiadin'Ota*

Situaziun da partenza:

Las vschinaunchas d'Engiadin'Ota surdaun a la fundaziun da sandet d'Engiadin'Ota la gestiun da l'ospidel el post da coordinaziun da vegldüna e chüra. Per quist intent stipuleschan las vschinaunchas culla fundaziun da sandet d'Engiadin'Ota üna cunvegna da prestaziun.

Per pudair garantir il provedimaint e per pudair scuverner particulermaing ils bsögns dal turissem e da la regiun es gnida augmantada daspö divers ans la spüerta da prestaziun. Pervi da las variaziuns stagiunelas e la situaziun periferica nu paun gnir cuvridas tuot las prestaziuns. Quist sun las seguintas spüertas:

- servezzan d'urgenza 24 uras, - agüd da naschentscha,- poppins,- medicina d'iffaunts e da giuvenils, - staziun intensiva

Our da quist motiv vain stipulo pels prossems 4 ans, invezza da scu fin co üna garanzia da deficit illimiteda, üna pauschela annuela fixa da fr. 1'534'000.00 per la gestiun da l'ospidel e fr. 100'000.00 pel post da coordinaziun da vegldüna e chüra.

Ils cuosts per la vschinauncha da S-chanf importan pels prossems quatter ans annuelmaing ca. fr. 48'500.00 (gestiun ospidel) e fr. 3'200.00 (post da coordinaziun da vegldüna e la chüra).

Proposta:

La suprastanza cumünela propuona a la radunanza cumünela d'approver la cunvegna da prestaziun culla fundaziun da sandet d'Engiadin'Ota.

- a) Cunvegna da prestaziun sur la gestiun da l'ospidel inclus la part da la vschinauncha vi a la pauschela da fr. CHF 1'534'000.— per an, sur ils prossems quatter ans.
- b) Cunvegna da prestaziun pel post da coordinaziun da vegldüna e chüra inclus la part da la vschinauncha vi a la pauschela da fr. 100'000.— per an, sur ils prossems quatter ans.

3. Cunvegna da prestaziun traunter la vschinauncha politica da S-chanf e la regiun Malögia davart la promoziun da la cultura regiunela*

Situaziun da partenza:

Fin la fin da l'an 2017 d'eira la promoziun da cultura l'incumbenza dal circul Engadin'Ota. Zieva cha'l circul es gnieu abolieu es quist'incumbenza darcho ida inavous tar las vschinaunchas. Per coordiner la promoziun da cultura illa regiun Malögia dess surpiglier in futur la regiun quist' incumbenza. Cun quista surdeda da lavuors paun vschinaunchas cun agüd d'üna cunvegna da prestaziun surder la promoziun da cultura regiunela a la regiun Malögia. A regard l'organisaziun es previs, cha las dumandas per la promoziun da la cultura vegnan trattedas e decissas d'üna cumischiun da cultura a quella faun part 5 persunas. La cumischiun as cumpuona d'ün fin duos commembers da la conferenza dals presidents u da suprastanzas cumünelas scu eir trais fin quatter rapreschantants da divers champs da cultura.

La direcziun da la scoula da musica Engiadin'Ota resta inavaunt tar la societad pertucheda e nu d'vainta üna lezcha da la regiun.

Per la promoziun da cultura dess gnir druvo maximel fr. 150'000.00 l'an. La part per S-chanf importa fr. 4'725.00. Que correspuonda a l'import chi'd es gnieu miss a disposiziun al circul d'Engiadin'Ota già i'l passo.

Zieva cha la conferenza da presidents ho decis da suottametter a las votantas ed als votants la missiva per la promoziun da cultura es gnida refüsed a l'iniziativa « Wir unterstützen die Kultur in unserer Region ».

La cunvegna da prestaziun aintra in vigur, scha'ls votants acceptan als 10 gün 2018 la revaisa dals statüts cun la cumplettaziun da l'art. 6 al. 2 „Promoziun da cultura regiunela“.

Proposta:

La suprastanza cumünela propuona a la radunanza cumünela d'approver la cunvegna da prestaziun culla regiun Malögia davart la promoziun da la cultura regiunela.

4. Revaisa dals statüts „Consorti da scoula La Plaiv SFM“*

Situaziun da partenza:

Zieva fundedas analisas resguardand la structura e la situaziun finanzia da la scoula da La Plaiv haun ils delegios insembel cul cussagl da scoula da la Plaiv elavuro üna revaisa dals statüts. Il böt es, da fer adattamaints necessaris i'ls statüts e da survgnir

structuras effiaintas. Per üna revaisa dals statüts dal consorzi da scoula La Plaiv SFM drouva que l'acconsentimaint da tuot las quatter vschinaunchas da la Plaiv.


Proposta:

La suprastanza cumünela propuona a la radunanza cumünela d'appruver la revaisa dals statüts dal consorzi da scoula La Plaiv SFM.

5. Proget Susauna etappa 3 – Lavuors d'infrastructura, dumanda da credit fr. 1'450'000.00*

Situaziun da partenza:

In connex cun las lavuors da schlargiamaint d'infrastructura dals ans passos, vegn fat quist an l'ultima etappa illa fracziun da Susauna. Il böt es da tacher las lingias da la fracziun da Susauna vi da la rait da chanelisaziun, tenor premissas ed insüras superiuras. Impü es il böt da rimplazzer las lingias d'ova, forz'electrica e preparar ils büschens per la rait da fibra da vaider. Per pudair realiser las lavuors da fabrica necessarias sun previs fr. 1'100'000.00 i'l plan d'investiziuns.



Tenor las offertas inoltredas s'amuntan il cuosts a fr. 1'450'000.00.

Proposta:

La suprastanza cumünela propuona a la radunanza cumünela d'appruver il credit da fr. 1'450'000.00.

S-chanf, ils 12.04.2018

La suprastanza cumünela

Il president: G. Largiadèr
L'actuar: G.L. Vitalini